

Dita e Pagëzimit Tim



Nga Megan S., 10 vjeçe, Miçoakan, Meksikë

Tungjatjeta! Unë quhem Megan dhe jetoj në Meksikë. Dua të të tregoj për një kohë tepër të veçantë në jetën time – ditën kur u pagëzova.



U pagëzova ditën që mbusha tetë vjeçe. Ishte ditë shumë e rëndësishme sepse e festova ditëlindjen time duke u pagëzuar.

Pagëzimi ishte një përvojë e bukur. Mami më bëri një bllok shënimesh me veprimtari të ndryshme për t'u përgatitur. Më ndihmoi të mësoja për rëndësinë e pagëzimit dhe besëlidhjet që do të bëja me Atin Qiellor.

Shumë njerëz që më duan, erdhën në




ILUSTRIMET NGA OLGA LEE

pagëzimin tim. U gëzova shumë që ata erdhën. Veshja një veshje të bardhë dhe uji ishte i ngrohtë.

Pasi më pagëzoi babi, u fshiva dhe

ndërrova rrobat. Pastaj mora dhuratën e Frymës së Shenjtë. U konfirmova anëtare e Kishës së Jezu Krishtit të Shenjtorëve të Ditëve të Mëvonshme nga mbajtësit e priftërisë. Ndjeva shumë paqe, dashuri dhe gëzim.

Do ta kujtoj gjithmonë atë ditë. Ishte



shumë e veçantë sepse bëra besëlidhjen time të parë me Perëndinë. Premtova që ta ndjek Jezusin dhe t'u bindem urdhërimeve të Tij.

Nëse ke ankth për atë se si do të jetë dita jote e pagëzimit, mos u shqetëso. Ati Qiellor do të lumturohet për zgjedhjen që bëre! ●

